

**Uunga siunnersuut: Uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq pillugu Inatsisartut inatsisaat nr. xx xx 2015-imeersoq**

*Aalisarnermut, Piniarnermut Nunalerinermullu Naalakkersuisumit saqqummiunneqartoq*

**pillugu**

**Aalisarnermut, Piniarnermut Nunalerinermullu Ataatsimiititaliap**

**ILASSUTITUT ISUMALIUTISSIISUTAA**

**Siunnersuutip pingajussaaneerreqarnerani saqqummiunneqartoq**

Ataatsimiititaliaq suliarinninnermini kingullermik ukuninnga inuttaqarpoq:

Inatsisartunut ilaasortaq Nikolaj Jeremiassen, Siumut, siulittaasoq  
 Inatsisartunut ilaasortaq Ane Hansen, Inuit Ataqtigiit, siulittaasup tullia  
 Inatsisartunut ilaasortaq Michael Rosing, Demokraatit  
 Inatsisartunut ilaasortaq Jens Immanuelson, Siumut  
 Inatsisartunut ilaasortaq Siverth K. Heilmann, Atassut  
 Inatsisartunut ilaasortaq Aqqaluaq B. Egede, Inuit Ataqtigiit  
 Inatsisartunut ilaasortaq Hans Enoksen, Partii Naleraq

Ull. 1. december 2015-imi aappassaaneerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Siunnersuutip aappassaaneerreqarneranut atatillugu Naalakkersuisunit paasisutissiissutigineqarpoq pingajussaaneerinninnissamut allannguutissatut siunnersuummik saqqummiussisoqassasoq (taanna ull. 30. november 2015-imi agguanneqarpoq). Tamanna tunngavigalugu siunnersuut ataatsimiititaliamut suliarineqaqqittussanngorlugu innersuunneqarpoq.

**Ataatsimiititaliap siunnersuummik suliarinninnera**

Allannguutissatut siunnersuut ataatsimiititaliamit misissorneqarpoq imalu oqaaseqarfigineqassalluni:

- Allannguutissatut siunnersuutip itigartinneqarnissaa ajornakusoortoq ataatsimiititaliaq isumaqarpoq, tassa Kalaallit Nunaanni Politimesteri ima

nalunaaruteqarmat ”aalajangersakkap (§ 9, allattup ilanngussaa) oqaasertassaatur siunnersuutigineqartoq naapertorlugu peqqussutinik inerteqqutinillu malinnitsitseriarnissara ajornassaaq). Taamaattumillu aalajangersagaq allanngortinneqassappat aallaavittut isigalugu tunngavissaatinneqartariaqarpoq aalajangersakkat malitseqarsinnaanissaa.

- Piffissamili pissutsip pineqartup Naalackersuisunit iluarsiiiffigineqareersimanissaata ilimagineqarsinnaaffiani allannguutissatur siunnersuutip saqqummiunneqarnera ataatsimiititaliamit pitsaanngitsutut naammaginangilluinnartutullu isigineqarpoq. Tassunga ilanngullugu ataatsimiititaliamit eqqaasitsissutigineqassaaq pineqartoq juunip qaammataani tusarniaanermut akissummi oqaatigineqaaqarmat, tamatumalu kingorna ataatsimiititaliamit oktobarimi apeqquteqarfigineqarmat aammalu pingajussaaneerinninnissaq sioqqullugu immikkoortumut allannguutissatur siunnersuutitut naqqiummik Naalackersuisut nassiusserermata. Matuminnga allannguutissatur siunnersuuteqarnermikkut aalajangersakkap atorineqarsinnaassusia Naalackersuisunit qulakkeerneqarsimassasoq, taamaalillutillu aalajangersakkamik atuutsitsisinnaallutik politiiit oqaatigisimassagaat ataatsimiititaliamit ilimagineqarpoq.

- § 9, imm. 2-mi innersuussut ”uumasunut Nakorsaqarnermut Inuussutissalerinermullu Oqartussaasut peqqussutinik inerteqqutinillu nalunaaruteqartoqartinnagu, susassaqartunik illuatungerisanik tusarniaaqaartassapput” allannguutissatur siunnersuuteqarnikkut atorunnaassasoq ataatsimiititaliamit maluginiarneqarpoq. Akerlianik allannguutissatur siunnersuummi aalajangersakkanut ataasiakkaanut nalinginnaasumik nassuiaatini nr. 1-imi allassimavoq ”inerteqqutinik aamma naalakkiutinik tunniussineq ingerlatsinermi uppernarsaatitut taasaammata, Pisortat ingerlatsineranni suliassat suliarineqartarnerat pillugu Inatsisartut Inatsisaat nr. 8, 13. juni 1994-imeersoq ingerlatsinermi maleruagassat atuutissapput tassunga ilanngullugit §§-ni 19-20-ni susassaqartunik tusarniaanissat”. Ataatsimiititaliamit taamaalilluni paasineqarpoq aalajangersakkap oqaasertai allanngortinneqaraluartut susassaqartunik tusarniaasarneq ingerlatiinnarneqassasoq.

- Allannguutissatur siunnersuummi § 9, imm. 2-mi ”uumasuutinit pisut” kiisalu ”uumasuuteqarneq” innersuussutigineqartut ataatsimiititaliamit maluginiarneqarpoq, taakkulu allannguutissatur siunnersuummi siuliani Inatsisartunut ull. 27. novembarimi agguanneqartumi taaguutinit atorineqartunit allaaneruserinarput – tak. § 1, imm. 2.

Siuliani allassimasutut oqaaseqarluni allatur oqaaseqaateqarnissamut ataatsimiititaliaq pissutissaqarsorinngilaq. Ataatsimiititaliaali naggasiullugu oqaatigerusuppaa inatsisissatur siunnersuutit Inatsisartut ataatsimiinneranni aalisarnermut, piniarnermut nunalerinermullu suliassa qarfiup iluani saqqummiunneqartut pitsaassusissaat qulakkeerniarlugit Naalackersuisut peqqissaarussinerusinnaasut peqqissaarussinerusariaqartullu ataatsimiititaliaq

isumaqarmat. Tamannattaaq pissutigalugu siunissami naqqiutit allannguutissatullu siunnersuutit annikillisinneqarnissaat suliniutigeqqullugu Naalakkersuisut ataatsimiititaliamit kaammattorneqarput.

**Ataatsimiititaliap inassuteqaatai**

Allannguutissatut siunnersuut **akuerineqassasog** ataatsimiititaliamit **isumaqatigiittumit inassutigineqarpoq.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaaniigassanngortippaa.

---

Nikolaj Jeremiassen  
Siulittaasoq

---

Ane Hansen  
Siulittaasup tullia

---

Michael Rosing

---

Jens Immanuelson

---

Siverth K. Heilmann

---

Aqqaluaq B. Egede

---

Hans Enoksen